

O donaciji organa

Više od 700 osoba nastanjenih u Švedskoj dobije svake godine novi organ. Međutim, broj donatora nije dovoljan da se pokrije potreba za organima za sve pacijente koji čekaju na transplantaciju. Prema istraživanju koje je provela Uprava za socijalna pitanja 2010-e, je 8 od 10 stanovnika Švedske voljno da donira svoje organe i tkiva nakon smrti, ali mnogi od njih nisu obznanili svoju želju u ovom pitanju.

Na ovaj način možete zauzeti stav u pitanju donacije organa i tkiva

Svoju želju da donirate možete obznaniti na tri različita načina:

- Prijavite se na Donatorski registar na internetskoj adresi på www.socialstyrelsen.se/donationsregistret (Potreban vam je švedski identifikacijski licni broj). Pažnja! Ovaj formular je na švedskom jeziku.
- Ispunite donatorsku karticu i ispričajte vašim bližnjim o vašem stavu.
- Informirajte bliske prijatelje i rodbinu o vašem stavu u ovom pitanju.

Možete upotrijebiti jedan ili više ovih načina. Svi su načini jednako važeći i najnoviji podaci su odlučujući.

Ko može biti donator?

Gotovo svi mogu postati donatori. Ne postoji starosna granica za to. Niko ne mora odustati od doniranja zbog starosti, načina života ili bolesti. Mnogi ljudi misle da moraju umrijeti mladi da bi mogli donirati organe i tkiva. To nije tačno. I stariji ljudi mogu postati donatori. Stanje samog organa je odlučujuće za mogućnost transplantacije. Samo mali broj ljudi umire pod okolnostima u kojima je moguće donirati organe. Čovjek mora umrijeti u bolnici i mora biti priključen na respirator u momentu smrti. Uobičajeno je da to bude kao posljedica krvarenja ili otoka u mozgu. Mnogo više ljudi mogu donirati tkiva nakon smrti. Svake godine se provede oko 1000 transplantacija tkiva u Švedskoj.

Koji se organi mogu transplantirati?

Organi koji se u Švedskoj transplantiraju su bubrezi, jetra, srce, pluća, gušterača i, u određenim slučajevima, tanko crijevo. U određenom obimu također transplantiramo takozvane inzulinske ćelije iz gušterače pacijentima koji imaju dijabetes. Tkiva koja se transplantiraju su, prvenstveno, rožnjača i srčani zalisci, ali također koža, slušne koščiце i koštano tkivo.

Švedsko vijeće za donaciju organa i tkiva (Donacijsko vijeće)

Švedsko vijeće za donaciju organa i tkiva (Donacijsko vijeće) je savjetodavna ustanova pri Upravi za socijalna pitanja koja se bavi pitanjima vezanim za donaciju organa i tkiva. Švedska vlada je osnovala ovu ustanovu 2005-e. Članove Donacijskog vijeća bira vlada.